

Morning Dogri (NSD)

National News

26-04-2025

1. जल शक्ति मंत्री सी.आर. पाटिल होरें आखेआ ऐ जे भारत सरकार नै इस गल्लै गी जकीनी बनाग जे सिंधु दरेया दा इक बूंद पानी बी पाकिस्तान नेई पुज्जै।
2. रक्षा अनुसंधान ते विकास संगठन— डीआरडीओ नै इक ज्हार सकिंट शा मते समें दी जमीनी आजमाईश करियै स्क्रेमजेट इंजन विकास आहली इक महत्वपूर्ण उपलब्धि हासल कीती ऐ।
3. प्रधानमंत्री नरेन्द्र मोदी अज्ज 15में रोजगार मेले दे राहें बक्ख—बक्ख सरकारी मैहकमें च नमें भर्थी 51 ज्हार शा मते नौजवानें गी नियुक्ति पत्तर बंडडडन।
4. राष्ट्रपति द्रौपदी मुर्मु अज्ज पोप फ्रांसिस हुं'दे खीरी संस्कार आहले कार्यक्रम च हिस्सा लैडन।
5. अमरीका नै सैकड़ां बढ़े बदेशी विद्यार्थियों दी पैहले खत्म कीती गेदी कनूनी स्थिति ब्हाल करी दित्ती ऐ।
6. आईपीएल टी20 क्रिकेट च कल सनराईजर्स हैदराबाद नै चेन्नेई सुपर किंग्स गी 5एं विकेटें कन्नै हराई दित्ता।

<><><><><><>

Indus Water

केन्द्र जल शक्ति मंत्री सी.आर.पाटिल होरें पाकिस्तान कन्नै 1960 दे सिंधु जल समझौता रोके जाने दे महत्व पर जोर दिंदे होई आखेआ ऐ जे सरकार इस गल्लै गी पक्का करग ते सिंधु नदी दा इक तोपा पानी बी पाकिस्तान गी नेई पुज्जै। कल नमीं दिल्ली च केन्द्री गृह मंत्री अमित शाह होरें अपनी सरकारी कोठी च पाकिस्तान कन्नै 1960 दी सिंधु जल समझौते दे सरबंदे च इक उच्च स्तरीय बैठक दी दी अध्यक्षता कीती। पहलगाम आतंकी हमले गी दिक्खदे होई भारत नै सिंधु जल समझौते गी मुंतकिल करी दित्ता ऐ। बैठक च विदेश मंत्री डॉ. एस. जयशंकर, जल शक्ति मंत्री सी.आर.पाटिल ते होर दुए वरिष्ठ अधिकारी बी शामिल होए।

<><><><><><>

HM

केन्द्री गृहमंत्री अमित शाह होरें कल सब्बने मुखमंत्रिण कन्नै गल्लबात कीती ते उंदे थमां अपने अपने राज्य च मजूद सब्बने पाकिस्तानी नागरिकें दी पंछान करने गी गलाया। पहलगाम आतंकी हमले मगरा भारत नै पाकिस्तानी नागरिकें गी जारी कीते गेदा विजा रद्द करी दित्ता ऐ। शाह होरें मुखमंत्रिण गी गलाया जे ओह पाकिस्तान च रवा'रदे सब्बने लोकें दी तुरत वापसी गी जकीनी बनाने लेई गैह पुट्टन। भारत नै कल थमां पाकिस्तान गी जारी कीते गेदे सब्बे मजूदा वीजा रद्द करी दित्ते न, सिवाए लम्मी अवधि आले वीजा। राजनीयिक ते अधिकारिक वीजा पाकिस्तानी नागरिकें गी जारी कीते गेदे मैडिकल वीजा इस म्हीने दी 29 तरीक तगर गै वैध रौहगन ते रद्द कीती गेदी सूचिए च कोई नमां वीजा जारी नेई कीता जाग।

DRDO

रक्षा अनुसंधान ते विकास संगठन— डीआरडीओ नै इक जहार सकिंट शा मते समे तगर एक्टिव कूल्ड स्क्रेमजेट सबस्केल कॉम्बस्टर दी जमीनी आजमाईश करियै स्क्रेमजेट इंजन विकास च महत्वपूर्ण उपलब्धि हासल कीती ऐ। डीआरडीओ दी हैदराबाद प्रयोगशाला नै कल नमें बनाए गेदे भलेआं आधुनिक किस्मै दे स्क्रेमजेट कनेक्ट परीक्षण केंद्र च एह जमीनी आजमाईश कीती। एह उपलब्धि जंदे जनवरी महीने 120 सकिंट दे पैहले परीक्षण दा अगला चरण ऐ। कामयाब आजमाईश दे कन्नै, एह प्रणाली तौले गै डुआरी—जोग कॉम्बस्टर परीक्षण लेई तैयार होई गई ऐ। रक्षा मंत्री राजनाथ सिंह होरें इस उपलब्धि लेई डीआरडीओ, उद्योग भागीदारें ते शिक्षाविदे गी बधाई दित्ती ऐ। उ'नें इस कामयाबी गी राष्ट्र लेई महत्वपूर्ण हाइपरसोनिक थेहार तकनीकें गी साकार करने च सरकार दी मजबूत वचनबद्धता करार दित्ता ऐ। हाइपरसोनिक क्रूज मिसाइल, लम्मी अवधि तगर अवाज दी रफ्तार कोला 5 गुणा मती रफ्तार कन्नै जात्तरा करने आहले थेहारें दा इक वर्ग ऐ। एह एयर ब्रीदिंग इंजन कन्नै संचालित हुं'दा ऐ।

<><><><><><>

PM-Rozgar

प्रधानमंत्री नरेन्द्र मोदी होरें अज्ज बक्ख—बक्ख सरकारी विभागें ते संगठनें लेई नमें 51 जहार शा मते नोजवानें गी नियुक्ति पत्र सौंपगन। मोदी होर इस मौके उपपर वीडियो कांफ्रेंसिंग राएं लोकें गी संबोधत करगन। रोजगार दे बाढ़ू मौके पैदा करने गी प्राथमिकता देने दी प्रधानमंत्री हुंदी वचनबद्धता गी दिक्खदे होई एह 15मां रोजगार मेला देश दी 47 थाहरें उपपर आयोजत होआ'रदा ऐ। एहदे राएं नोजवानें दे सशक्तिकरण ते राष्ट्र दे विकास च प्रभावी योगदान दा सार्थक मौका थ्होग। नमें नियुक्ति नोजवान केन्द्र सरकार दे बक्ख—बक्ख मंत्रालयें ते विभागें च कम्म करगन।

<><><><><><>

PM-MKB

प्रधानमंत्री नरेन्द्र मोदी होर कल बडलै 11 बजे आकाशवाणी उपपर मन की बात कार्यक्रम च अपने बचार सांझा करगन। एह इस मासिक रेडियो कार्यक्रम दी 121मीं किश्त होग। आकाशवाणी ते दूरदर्शन दे समूलचे नेटवर्क, आकाशवाणी समाचार दी वैबसाइट ते न्यूज ऑन मोबाइल ऐप उपपर कार्यक्रम दा सीधा प्रसारण होग। आकाशवाणी समाचार, दूरदर्शन समाचार, प्रधानमंत्री कार्यालय ते सूचना ते प्रसारण मंत्रालय दे यूट्यूब चैनलें उपपर बी एहदा सीधा प्रसारण होग। आकाशवाणी थमां हिंदी प्रसारण दे तुरत मगरा मन की बात कार्यक्रम दी क्षेत्रीय भाषाएं च प्रसारण होग।

<><><><><><>

Pope

अज्ज रोम च सेंट मैरी मेजर बैसीलिका च वैश्विक रोमन कैथोलिक चर्च दे प्रमुख पोप फ्रांसिस हुंदे पार्थिव शरीर गी दफनाया जाग। खीरी संस्कार दी विधि विधान वैट्रिकन शहर दे सेंट पाटर्स स्केयर च भारतीय समे मूजब दिने डेढछ बजे शुरू होग। दुनिया दे बक्ख—बक्ख मुखें दे राष्ट्रअध्यक्षें ते प्रतिनिधियें सनें जहारें लोकें दी एहदे च शिरकत करने

दी मेद ऐ। राष्ट्रपति द्रौपदी मुर्मू भारत दी प्रतिनिधित्व करगन। राष्ट्रपति मुर्मू होरें कल रोम पुज्जियां ते उनें वैट्रिकन शेहर च पोप फ्रांसिस होरें गी श्रद्धांजलि दित्ती।

<><><><><><>

Trump US Students

अमरीका नै सैकड़ां बढ़े बदेशी विद्यार्थियों दी पैहले खत्म कीती गेदी कनूनी स्थिति ब्हाल करी दित्ती ऐ। एह फैसला बोस्टन च इक संघीय अदालत च सुनवाई दे दरान आया हा। इस याचिका च केई अंतर्राष्ट्री विद्यार्थियों राष्ट्रपति डॉनल्ड ट्रम्प हु'दी इमिग्रेशन नीति गी चुनौती दित्ती ही। लगभग 11 लक्ख बदेशी विद्यार्थी वीजा धारकें दे डेटाबेस थमां उ'दे रिकॉर्ड हटने करी उ'दी कनूनी स्थिति रद्द करी दित्ती गई ही जेह्दे'नै उ'नेंगी उ'दे मुख्य वापस भेजी दित्ते जाने दा खतरा पैदा होई गेदा हा। मीडिया रिपोर्ट मूजब, 200 शा मते विद्यार्थियों अदालत थमां आदेश हासल करी लैता ऐ, जेह्दे'नै इ'दे खलाफ प्रशासन दी कार्रवाई पर आरजी तौर पर रोकी लग्गी गई ऐ।

<><><><><><>

Trump Russia Ukraine

अमरीका दे राष्ट्रपति डॉनल्ड ट्रंप होरें आखेआ ऐ जे रूस ते यूक्रेन अपना संघर्ष खत्म करने दे समझौते दे बड़े नेड़े पुज्जी गेदे न। राष्ट्रपति ट्रंप हु'दा एह बयान उ'दे दूत स्टीव विटकोफ ते रूस दे राष्ट्रपति व्लादिमीर पुतिन हु'दे मझाटै मॉस्को च होई दी बैठक परैन्त आया ऐ। यूक्रेन इस गल्लबात च शामिल नेई ऐ हा। राष्ट्रपति ट्रंप होरें रोम च आखेआ जे संभावित समझौते दे मते सारे प्रमुख बिन्दुएं पर सहमति बनी गई ऐ। उ'नें आखेआ जे इस जंग च इक हफ्ते च 5 ज्हार लोक मारे जा'रदे न ते तौले गै एह्दा अंत होना लोड़चदा ऐ। रूस नै श्री विटकोफ ते राष्ट्रपति पुतिन हु'दे बश्कार होई दी त्र'उं घैंटें दी बैठक गी रचनात्मक करार दित्ता पर यूक्रेन दे राष्ट्रपति वोलोदिमीर जेलेंस्की होरें आखेआ जे इलाकाई मुद्दे पर गल्लबात थमां पैहले बिजन शर्त दे संघर्ष विराम लागू होना लोड़चदा ऐ। उ'नें रूस पर मता दबाS पाए जाने दा आग्रह करदे होई आखेआ जे शांति बहाल करने दा इयै इक्क मात्तर रस्ता ऐ।

<><><><><><>

Gabbard Terror Attack

अमरीका दी राश्ट्री खुफिया निदेशक तुलसी गबार्ड होरें आखेआ ऐ जे अमरीका पहलगाम आतंकी हमले दे दोषियों पर कार्रवाई च भारत दे कन्नै ऐ। सोशल मीडिया पोस्ट च गबार्ड होरें आखेआ ऐ जे पहलगाम च बर्बर आतंकी हमले गी लेइयै अमरीका दा समर्थन भारत दे कन्नै ऐ। इस घटना च 26 लोक मारे गे हे। उ'नें प्रधानमंत्री मोदी होरें'गी अमरीका दे पूरे समर्थन दा भरोसा दोआया ऐ।

<><><><><><>

Punjab

ਪੰਜਾਬ ਚ ਸੀਮਾ ਸੁਰਕਸ਼ਾ ਬਲ ਬੀਐਸਐਫ ਨੈ ਕਲ ਸੰਯਾ ਅਮ੍ਰਤਸਰ ਚ ਇਕ ਹੋਰ ਸਫਲ ਆਤੰਕਵਾਦ ਵਿਰੋਧੀ ਅਭਿਯਾਨ ਚ ਭਾਰੀ ਮਾਤਰਾ ਚ ਥੇਅਰ ਤੇ ਗੋਲਾਬਰੂਦ ਬਰਾਮਦ ਕੀਤਾ। ਜਬਤ ਕੀਤੇ ਗੇਦੇ ਸਮੇਯਾਨ ਚ 15 ਕਿਲੋਗਰਾਮ ਘਾਤਕ ਆਰਡੀਐਕਸ, ਆਈਐੱਡੀ-ਸਰਕਟ ਡੈਟੋਨੇਟਰ ਕੰਨੈ 5 ਹਥਥਗੋਲੇ, 220 ਜਿੰਦਾ ਕਾਰਤੂਸ ਤੇ ਮੈਗਜੀਨੈਂ ਦੇ ਕੰਨੈ 4 ਪਿਸਤੋਲਾਂ ਸ਼ਾਮਲ ਹਿਯਾਂ। ਦੋ ਬਡੇ ਪੈਕਟੋਂ ਚ ਚਪੇਲੇ ਗੇਦੇ ਗੋਲਾਬਰੂਦ ਗੀ ਇਕ ਰਾਝ-ਬਾਝ ਆਲੀ ਥਾਹਰ ਥਮਾਂ ਬਰਾਮਦ ਕੀਤਾ ਗੇਆ। ਬੀਐਸਐਫ ਦੇ ਸੂਤ੍ਰੇਂ ਦਸ਼ਸੇਆ ਏ ਜੇ ਸਮੇਂ ਉਪਰ ਕੀਤੀ ਦੀ ਕਾਰਵਾਝ ਕਰੀ ਸੰਭਾਵਿਤ ਆਤੰਕੀ ਹਮਲੇ ਗੀ ਨਾਕਾਮਯਾਬ ਬਨਾਝ ਦਿੱਤਾ ਏ। ਬਰਾਮਦ ਕੀਤੇ ਗੇਦੇ ਸਮੇਯਾਨ ਗੀ ਅਮ੍ਰਤਸਰ ਪੁਲਸ ਗੀ ਸੌਂਪੀ ਦਿੱਤਾ ਗੇਆ ਏ।

<><><><><><>

IPL

ਆਈਪੀਐਲ ਕ੍ਰਿਕੇਟ ਚ ਜੰਦੀ ਰਾਤੀਂ ਐਮ.ਐ.ਚਿੰਦਬਰਮ ਸਟੇਡਿਯਮ ਚ ਸਨਰਾਝਜਰਸ ਹੈਦਰਾਬਾਦ ਨੈ ਚੇਨਨੈਂ ਸੁਪਰ ਕਿੰਗਸ ਗੀ 5ਏਂ ਵਿਕਟੋਂ ਕੰਨੈ ਹਰਾਝ ਦਿੱਤਾ ਏ। 155 ਰੰਜੋਂ ਦੇ ਲਕਸ਼ਯ ਗੀ ਸਨਰਾਝਜਰਸ ਹੈਦਰਾਬਾਦ ਦੀ ਟੀਮ ਨੈ 5ਏਂ ਵਿਕਟੋਂ ਦੇ ਨੁਕਸਾਨ ਚ 1804 ਓਵਰੋਂ ਚ ਗੈ ਹਾਸਲ ਕਰੀ ਲੈਤਾ। ਅਯ੍ਯ ਸੰਯਾ ਸਾਡੇ 7 ਬਯੇ ਈਡਨ ਗਾਰਡਨ ਚ ਕੋਲਕਾਤਾ ਨਾਝਟ ਰਾਝਡਰਸ ਤੇ ਪੰਜਾਬ ਕਿੰਗਸ ਬਸ਼ਕਾਰ ਮੈਚ ਖੇਡਡੇਆ ਯਾਗ।

<><><><><><>